

PRIVREDNA/GOSPODARSKA KOMORA
FEDERACIJE BOSNE I HERCEGOVINE

Glasnik

Broj 162 august/kolovoz septembar/rujan 2018. Godina XIX


ISSN 1840-0310



*P/GKFBiH na sajmovima Ekobis, Bjelovar,
Krapina, Zeps, Interagro i Sarajevo Halal Fair*

Održana izborna Skupština P/GKFBiH





**PRIVREDNA/GOSPODARSKA KOMORA
FEDERACIJE BOSNE I HERCEGOVINE**

CHAMBER OF ECONOMY OF THE FEDERATION OF BOSNIA AND HERZEGOVINA

I M P R E S U M

Glasnik
Privredne/Gospodarske komore
Federacije Bosne i Hercegovine
Godina XIX
august/kolovoz septembar/rujan 2018.

GLASNIK uređuje
Redakcijski kolegij:

dr.sci.Marko Šantić dipl.ecc.
Mirsad Jašarspahić dipl.ig.maš.

Glavni urednik
Amela Kečo dipl.prav.

Izvršni urednik
Željko Raguž dipl.ecc.

Almin Mališević dipl.ing.maš.
Erina Lasić dipl.ing.agr.

Adresa:
Privredna/Gospodarska komora FBiH
za Glasnik –
Branislava Đurđeva 10/IV
71000 Sarajevo
Kontakt: glasnik@kfbih.com

Telefoni: 033 566 300, 217 782,036/332-963
Fax: 033 217 783,036/332-966

www.kfbih.com

Priprema i izdaje:
Privredna/Gospodarska komora FBiH

Cijenjeni privrednici,

pred vama je novo dvobroj izdanje časopisa
Privredne/Gospodarske komore F BiH za
mjesec august / kolovoz – septembar / rujan.

Iako kraj ljeta pripada godišnjim odmorima,
brojne su aktivnosti iza nas, posebno kroz
sudjelovanje na sajamskim aktivnostima.

Prenosimo dio aktivnosti sa 16. Međunarodnog
sajma ekologije EKOBIS-2018, na kojem je na
marginama sajma u organizaciji
Privredne/Gospodarske komore F BiH
održana panel diskusija na temu:
„Gastro turizam – nove mogućno-
sti razvoja turizma u BIH“

Komora F BiH je učestvovala na Međunarodnom
sajmu poljoprivrede „Ineragro 2018“ u Bijeljini,
26.međunarodnom sajmu u Bjelovaru
„26. Zagorski gospodarski zbor Krapina 2018“,
te na jubilarnom 25. „ZEPS 2018.“ i 15.
„ZEPS INTERMETAL 2018.“

U okviru drugog dana međunarodnog halal
sajma "Sarajevo Halal Fair" održan je Info dan
Halal industrije, u organizaciji Udruženja Halal
industrije Privredne/Gospodarske komore F BiH.

Udruženje informaciono komunikacionih
tehnologija KOore F BiH prvi put na
susretima firmi IT sektora BiH sa kompanijama
BUTECH Software Cluster –Bursa –Turska.

Donosimo i dio aktivnosti sa radionice u pripremi
projekti za program prekogranične
suradnje Hrvatska - BiH - Crna Gora
te konferencije povodom
potpisivanja Sporazuma o saradnji
među ženama u poduzetništvu četiri države
Hrvatske, Srbije, Slovenije i Bosne i Hercegovine.

Održana je prva konstituirajuća i izborna
sjednica Skupštine Privredne/Gospodarske
komore FBiH za mandatni period 2018. – 2022. godina

„Firma MADI zvanično počinje izvoz piletine u EU“ je
naslov naše rubrike Uspješne priče.

Na stranicama koje slijede donosimo
i druge zanimljive sadržaje.

Redakcijski kolegij

PK FBiH na sastanku Pododbora za unutrašnje tržište i konkurenciju urgirala za ukidanje barijera poslovanju

20.09.2018. godine u Briselu je održan 3.sastanak pododbora za unutrašnje tržište i konkurenciju koji pokriva poglavlja koja predstavljaju osnov za uspostavu jedinstvenog tržišta ali su i relevantna za formiranje regionalnog ekonomskog prostora

Na prijedlog Vlade FBiH na sastanku se raspravljalo i o problemu uvođenja zaštitnih mjera EU kroz uvođenje ograničavajućih kvota za čelik a koji se odnose bosansko-hercegovačke proizvođače i izvoznike čeličnih proizvoda. Zadatak da predstavnicima EU komisije iznesu neutemeljenost odluke za uključivanje proizvođača iz Bosne i Hercegovine u sistem ograničavanja izvoznih kvota kao i pogubnost iste za privredu Bosne i Hercegovine su dobili Mirsad Jašarspahić, Predsjednik Privredne komore FBiH i gosp. Gordan Čartarević, Savjetnik Premijera Vlade FBiH. U svom izlaganju, Predsjednik Privredne komore FBiH se pozvao na Sporazum o stabilizaciji i pridruživanju (SSP) potpisan između Bosne i Hercegovine i EU koji ovakvom odlukom Evropska komisija grubo krši. Jedan od osnovnih ciljeva SSP-a je da se stvori nova klima za za privredne i ekonomske odnose između BiH i EU za razvoj trgovine i ulaganja. Po tom sporazumu carinske pristrojbe na promet roba između BiH i EU se ukidaju kao i kvantitativna ograničenja na industrijskim proizvodima porijeklom iz Bosne i Hercegovine. (čl.20).

Svako ograničavanje izvoza proizvoda od čelika i ovođenje kvota proizvođačima u Bosni i Hercegovini će imati veliki negativan uticaj na bosanskohercegovačke firme i cjelokupnu privredu je Arcelor Mittal Zenica koji je u ovom slučaju na direktnom udaru jedan od najvećih integrativnih faktora bosanskohercegovačke industrije vežući uz sebe veliki broj kompanija iz oba entiteta. Kompanija Arcelor Mittal sa proizvodnim kapacitetom u Zenici (FBiH) i korištenjem sirovine iz Rudnika željezne rude Ljubija (RS) sa sobom veže industriju rudarstva, željezničke operatore iz oba entiteta, elektroprivredu i oko 500 drugih firmi.

Eventualno smanjenje proizvodnje a koje bi bilo posljedica zbog ograničenja izvoza bi se uveliko odrazilo na poslovanje i opstanak mnogih kompanija koje su vezane uz poslovanje Arcelor Mittala u Bosni i Hercegovini. Nastavićemo i u narednom periodu kako i dolikuje u saradnji sa drugim institucijama u BiH zaduženim za ova pitanja vršiti konstantan pritisak na Evropsku komisiju da se Bosna i Hercegovina odnosno njeni proizvođači zaštite mehanizmom SSP-a a ne



da on važi samo u jednom smjeru. Takođe, u sklopu tačke u kojoj je bosanskohercegovačka delegacija sastavljena od predstavnika državnih i entitetskih ministarstava i institucija imala zadatak da predstavnicima Evropske komisije predstavi napredak kada je u pitanju pravo poslovnog nastanjivanja, sloboda pružanja usluga te priznavanje profesionalnih kvalifikacija, predsjednik Jašarspahić je upozorio na probleme sa kojima se firme (članice komore) susreću kad je ova oblast u pitanju.

Naime, već duže vrijeme privredni subjekti iz FBiH su dovedeni u položaj da ne mogu obavljati poslove iz oblasti rudarstva iz geologije, zaštite na radu ali i drugih srodnih inženjerskih djelatnosti, na teritoriji RS-a, ukoliko nisu registrovani na teritoriji RS-a, što je u potpunoj suprotnosti i sa Ustavom BiH koji decidno definiše BiH kao jedinstven ekonomski prostor.

Kroz članove Zakona o rudarstvu RS-a, te Zakona o geološkim istraživanjima RS-a uvedene su barijere koje sprečavaju privredne subjekte da nesmetano obavljaju poslove i projekte na teritoriji drugog entiteta. Do 2012. godine licenca za rad u RS-u se dobijala na osnovu zapisnika koji načini inspekcijски nadzor iz RS-a prilikom redovne inspekcijske kontrole kompanije. Po osnovu Zakona o inspekcijском nadzoru RS-a inspektori već od 2013. godine nisu mjesno nadležni za teritoriju FBiH, ali se licenca ne može dobiti po osnovu zapisnika kojeg sačinu nadležni inspektor iz FBiH.

Stoga predlažemo da se hitno poduzmu mjere: Da se zapisnici o izvršenoj redovnoj inspekcijскоj kontroli iz bilo kojeg dijela BiH uvažavaju na cijeloj teritoriji BiH, ili da se omoguću inspektorima iz oba entiteta vršenje inspekcijскоg nadzora firmi koje su dobile posao na teritoriji drugog entiteta

U nastavku nizlaganja, predsjednik Jašarspahić je istakao da su firme u hemijskoj industriji iz FBiH na sličan način suočene sa istim problemom, jer ne mogu vršiti promet, odnosno prodaju svojih proizvoda na teritoriji RS-a ukoliko nisu registrovani i upisani u registar hemikalija na teritoriji RS-a.

Evidentno je, dakle, da se na ovaj način narušava jedinstveno ekonomsko tržište (što je predmet rada ovog pododborna), gdje se na teritoriji jedne države stvaraju trgovinske barijere, a planovima Europske unije se ta država pokušava pripremiti za još veće jedinstveno tržište.

Privredna komora kao nevladina, nepolitička i nezavisna asocijacija privrednika ima obavezu da štiti svoje članice od svih barijera u poslovanju te molim da u tom kontekstu predstavnici Europske komisije i shvate moje izlaganje, istakao je na kraju Predsjednik Privredne komore FBiH.



16. Međunarodni sajam ekologije EKOBIS-2018

U Bihaću je od 13-15.09 održan 16. Međunarodni sajam Ekobis 2018 g. na kojem se predstavilo više od 230 izlagača iz Bosne i Hercegovine, Hrvatske, Srbije, Slovenije, Crne Gore, Slovačke. Tema ovogodišnjeg sajam je „Poljoprivredna proizvodnja i prehrana“ a moto „Uzgojimo vlastitu hranu i pažljivo birajmo ishranu“.



Sajam je službeno otvorio Ministar poljoprivrede, vodoprivrede i šumarstva Federacije BiH mr. sci. Šemsudin Dedić. Generalni pokrovitelj sajma Vlada Unsko-sanskog kantona, Ministarstvo poljoprivrede, vodoprivrede i šumarstva Federacije BiH. Na svečanom otvaranju su sudjelovali brojni dužnosnici i gosti. U uvodnom obraćanju se obratio potpredsjednik Privredno/gospodarske komore F BiH doc.dr.sc. Marko Šantić. Ovaj sajam je odraz dosljednosti ovog grada da ostane na mapi aktivnosti usmjerenih na jačanje bh. ekonomije i na kontinuiranom povezivanju gospodarstvenika. Privredno/gospodarska komora FBiH, potpredsjednik doc.dr.sc Marko Šantić primio posebno priznanje za podršku 16. Međunarodnom sajmu ekologije, Ekobis 2018g. Sajam je posjetilo preko 200 000 posjetitelja.



Uspješno održan panel na temu „Gastro turizam – nove mogućnosti razvoja turizma u BiH“

U okviru 16. Međunarodnog sajma ekologije EKOBIS 2018, u Bihaću, 14.09.2018.godine je uspješno održan panel o Gastro turizmu u BiH kao jednoj od novih mogućnosti razvoja turizma, a u organizaciji Privredne/Gospodarske komore Federacije BiH.



O ovoj temi govorili su predstavnici Turističkog klastera Hercegovine, njegov predsjednik Stjepan Primorac, Turističkog klastera Une, predsjednica Zrinka Delić, predstavnici realnog sektora sa područja Bihaća- Hotel i restoran Kostelski Buk, ali i predstavnici Privredne komore Crne gore i Federacije Bosne i Hercegovine. I Duško Kovačević, direktor Međunarodnog aerodroma Banja Luke se također osvrnuo na to kako nova ponuda i novo uvedeni letovi mogu pomoći u razvoju turizma ovog područja. Svi sudionici su se složili i izveli zaključke da Bosna i Hercegovina ima odličan potencijal kako u prirodnim resursima, tako i u gastronomskoj ponudi, međutim potrebno ga je adekvatno iskoristiti u turističkoj ponudi. Opći zaključak je da smo na dobrom putu kada je u pitanju turistički sektor, ali treba nastaviti raditi i ulagati puno energije kako bi se turisti doveli u BiH.

„Kada govorimo o spoju gastronomije i turizma, Bosna i Hercegovina ima nevjerovatne potencijale. Obzirom na reakciju i dojmove turista, to nam definitivno može i treba biti važan segment turističkog menija. Time konstantno otvaramo i mogućnost širenja te ponude u svim dijelovima države, tako da bi nam turistička sezona mogla trajati tijekom cijele godine.“ - istaknuo je predsjednik PGKFBiH, doc.dr.sc. Marko Šantić.

Posebnu važnost panelu je dalo i potpisivanje Sporazuma o suradnji između dva turistička klastera u BiH, TK Una i TK Hercegovina, čiji je cilj bolje povezivanje, razmjena

iskustava i kreiranje zajedničkih turističkih ciljeva i ponuda.

“Turizam u obje ove regije je nazaobilazan razvojni faktor, pa zašto ne bismo zajednički radili i razmjenjivali ideje“ – rekla je predsjednica TK Una, Zrinka Delić.

U okviru panela su prezentirani identitet, odnosno web portal TK Una, turistički paketi istog, a cijeli događaj je zaokružen prezentacijom tradicionalne kuhinje Una Sana područja na štandu Turističkog klastera Una.



Pripremile: Danijela Lovrić i Josipa Topić

Privredna komora Federacije uzela učešće na Međunarodnom sajmu poljoprivrede „Interagro 2018“ u Bijeljini



Privredna komora Federacije BiH je po drugi puta za redom uzela učešće na 12. Međunarodnom sajmu poljoprivrede „Interagro 2018“ koji je održan u Bijeljini u periodu od 20 do 22.09.2018.

Poljoprivredni sajam u Bijeljini se svrstava u grupu najznačajnijih poljoprivrednih manifestacija u BiH, s obzirom da je Semberija poznata po razvijenoj poljoprivrednoj proizvodnji.

U tri sajamska dana posjetioci su imati priliku vidjeti bogatu ponudu poljoprivredne mehanizacije i alata, sjemenskog i sadnog materijala, hrane i pića, meda i proizvoda od meda, sredstava za zaštitu i uzgoj bilja, stočne hrane, mineralnih đubriva.

Privredna komora Vojvodne je bila partner ovogodišnjeg sajma na kojem se predstavilo više od 30 privrednika ove regije. Sajam se tradicionalno održava na 6.000 metara kvadratnih izložbenog prostora na lokaciji Agrotržnog centra u Bijeljini. Na sajmu su izlagale firme članice područne privredne komore Bijeljina.

Zapažen je bio i štand privredne komore Kantona Sarajevo.

Članice Privredne komore FBiH Milkos i Sinalco/Teloptic iz Sarajeva izlagali su paletu svojih proizvoda na zajedničkom komorskom štandu.



Poljoprivredni sajam u Bijeljini u četiri sajamska dana posjetilo je više od 10.000 ljudi.

Organizator sajma je preduzeće „Grad“ iz Bijeljine, a ove godine svoje proizvode iz oblasti agrara predstavilo je 120 izlagača iz zemalja regiona.

Pripremio: Emir Pašić dipl.ecc.

Privredna /Gospodarska komora partner 26.međunarodnog sajma u Bjelovaru



Ove godine od 7. do 9. rujna održan je 26. jesenski međunarodni sajam u Gudovcu, Bjelovaru. Međunarodni karakter Sajmu, dalo je i partnerstvo sa Privrednom/Gospodarskom komorom Federacije Bosne i Hercegovine, ali i brojnim izlagačima iz Srbije, Slovenije, Italije, Mađarske, Rumunjske, Njemačke, Austrije i drugih zemalja.

Jesenski bjelovarski sajam poznat je i po svojoj Državnoj stočarskoj izložbi čiji počeci počinju 1993. godine.

Federacija Bosna i Hercegovina je vrlo raznoliko i specifično područje sa različitim reljefom, klimom, narodima, kulturama i običajima. U skladu sa navedenim može se reći da je i bogata i nedovoljno istražena zemlja prije svega u agroturizmu.

Ovo je bio jedan od razloga predstavljanja agroturističke ponude u Bjelovaru, odnosno Sajmu kojeg je posjetilo preko 40 000 posjetitelja, posebno dragi gosti su bili Ministar poljoprivrede RH gosp. Tomislav Tolušić i njegovi suradnici, koji su odsjeli na našem štandu kušajući naše domaće proizvode.

Tuzle, Mostar, Međugorja, Počitelj, Bladinja, Kravica i drugih manje poznatih destinacija koje smo kao članice našeg Udruženja kvalitetno na videospotu predstavili svim posjetiteljima Sajma.



Također su posjetitelji kušali naša vina Žilavku i Blatinu, ali i nadaleko poznatu rakiju šljivu. Uz piće je jako dobro išao domaći „hercegovački pršut“ te „sir iz mjeha“ proizveden na visokim planinama Vranu i Ljubuši.

Da bi užitak bio potpun sir „Puđa“ je imao zaslužno mjesto na stolu, koji se konzumirao sa maslinovim uljem „Matić“ iz Neuma, „Granum“ iz Čapljine, Uljarom Mikulić iz Ljubuškog, uljem proizvedenim u OPG „Pavlović – Lukić“ također iz Ljubuškog, te uljem od Udruge Plodovi mediterana Stolac. Sve ovo govori o tome koliko je ova zemlja naizgled siromašna, ali jako bogata kako sa vrijednim ljudima tako i sa klimom i svim drugim različitostima.



Štand P/G komore je bio bogato opremljen proizvodima koji se mogu rijetko susresti na policama trgovina, a imaju tendenciju rasta i razvoja. Svi info pultovi su bili prekriveni promotivnim turističkim brošurama od Bihaća, Sarajeva,



Posebno su bili zapaženi proizvodi Udruge plodovi mediterana koji su imali različite slatke proizvode od smokve, višnje, trešnje, šipka, zatim kisele masline, ajvar i drugo rađen po recepturi naših baka.

Jedna od prepoznatljivosti područja Federacije Bosne i Hercegovine je bio med i proizvodi od pčela i to od Udruge Vri-sak, Kadulja, Iva, Udruga pčelara Stolac i Goražde.

Da nam koža ne bi bila suha i ispucala od sunca ili studeni pobrinuli su se Helita d.o.o. Široki Brijeg , Ardia Mostar , te Udruga plodovi Mediterana – Enver Zele, koji su izložili svoje kozmetičke proizvode sapune, losione, meleme, kreme, kupke i slično rađeni kao proizvodi smilja, kadulje, ružmarina i drugih aromatičnih kultura sa područja FBiH, ali se mogao popiti i čaj skupljen po planinama i brdima Hercegovačko –neretvanske županije, ali je sušen, mljeven i pakiran u najpoznatijoj biljnoj ljekarni Vextra d.o.o. Mostar.

Na kraju kada bi se odmorili mogla se probati i „hercegovačka škija“ za koju se pokazao veliki interes gotovo svih posje-titelja.

Pored navedenih izlagača bili su i Bosanac d.d. Orašje sa svojim proizvodima najnovijeg piliranja sjemena, Leda d.o.o. Široki Brijeg sa svojom prirodnom izvorskom vodom, Hercegovinavino d.o.o. Mostar sa svojim HEVI sokovoima, Na-mex d.o.o. sa konditorskim proizvodima, Turistička zajednica FBiH, te gradovi i općine iz FBiH, a nastup na Sajmu je uveličalo KUD Biloševica iz Širokog Brijega sa svojim pjesmama i plesovima.



Svesrdnu pomoć oko organiziranja pružile su naše članice JP Elektroprivreda HZ HB dd Mostar i Brza pošta HP Mostar.

Pripremila : Erina Lasić dipl.ing.polj.

Privredna/Gospodarska komora F BiH na sajmu „26. Zagorski gospodarski zbor Krapina 2018“

Od 6-8. Rujna 2018.godine, u Krapini RH, održao se „26. Zagorski gospodarski zbor Krapina 2018“.



Na ovogodišnjem sajmu, koji se održao na 5000 m², sa preko 380 izlagača, kako iz Republike Hrvatske, tako i iz zemalja regije, svoje učešće uzela je i Privredna/Gospodarska komora Federacije Bosne i Hercegovine.

Privredna/Gospodarska komora FBiH, uz izložbeni prostor na sajmu, razne okrugle stolove, radionice, te direktan susret s domaćinima iz Republike Hrvatske, gospodarstvenicima iz Austrije, Slovenije, Mađarske, Italije, Poljske i Češke, uspješno je promovirala svoje članice.

Zemlja partner ovogodišnjeg sajma je Republika Austrija,

a županija partner je Vukovarsko-srijemska županija, s kojom su predstavnici Privredne/Gospodarske komore FBiH poseban akcenat u razgovorima stavili na turizam, koji u BiH ima veliki i neiskorišteni potencijal.

P/GKFBiH ostvarila je mnogobrojne kontakte s firmama iz regije, te iste pozvala da dođu u posjetu našoj zemlji, te razmotre mogućnost ulaganja u BiH, naročito proizvodnih kompanija što otvara nova radna mjesta.



Pripremio: Esad Pašić dipl. prav.



Privredna/Gospodarska komora F BiH na jubilarnom 25. „ZEPS 2018.“ i 15. „ZEPS INTERMETAL 2018“



Na sajmištu Kamberovića polje u Zenici, 02.10.2018. godine, premijer Zeničko-dobojskog kantona Miralem Galijašević svečano je otvorio jubilarni 25. zenički privredni sajam „ZEPS 2018“ i 15. Međunarodni sajam metala „ZEPS intermetal 2018“.

Na ovogodišnjem sajmu „ZEPS 2018.“ sudjeluje 480 izlagača iz 19 zemalja, a na ZEPS intermetal 2018“ 20 izlagača. Uprkos teškoj ekonomskoj situaciji, te sve bržem procesu digitalizacije koji vidno utiče na broj izlagača, ovaj sajam se uspio održati. Direktor ZEPS-a Vedad Šestić istakao je da je ovaj sajam zenički brend i da će kao takav uprkos problemima ostati.

Prisutnim privrednicima se posebno obratio gradonačelnik Zenice Fuad Kasumović pozivajući ih da dođu jer će se uskoro u Zenici otvoriti dvije nove privredne zone, a uprava Grada Zenice će nastojati da im olakša dobivanje svih potrebnih dozvola i saglasnosti u što kraćem roku.

Otvaranju sajma prisustvovao je i predsjednik Privredne/Gospodarske komore Federacije BiH Mirsad Jašarspahić koji smatra da je ovo bitan događaj za okupljanje naših privrednika jer imaju priliku pokazati svoje potencijale i dobru sliku o BiH u kojoj ima dobrih proizvođača i kvalitetne robe, a koji zauzimaju značajno mjesto na prostoru EU. Naglasio je da se u susjedstvu ovakvi događaji dašavaju uz poticaje države., te da bez obzira na razvoj tehnologije ipak direktni kontakt lakše dovodi do konačne odluke.

Pripremila: Dijana Skender-Grebo

Privredna/Gospodarska komora FBiH na "Sarajevo Halal Fair"

U OKVIRU SARAJEVO HALAL SAJMA ODRŽAN
INFO DAN HALAL INDUSTRIJE



U okviru drugog dana međunarodnog halal sjajma "Sarajevo Halal Fair" otvoren je Info dan Halal industrije, koji je bio prilika da se predstave rezultati poslovanja komorskog udruženja Halal industrije i njenih članica.

Mirsad Jašarspahić, predsjednik P/G KFBiH, otvarajući Info dan Halal industrije kazao je da je Komora prepoznala interes kompanija koje imaju halal certifikate kao i tržišta na kojima one djeluju, što je prije tri i po godine imalo za posljedicu osnivanje u regionu jedinstvenog Udruženja halal industrije.

Predsjednik Jašarspahić je istaknuo da je Komora otvorena između svim halal certificiranim kompanijama. Članstvo u Udruženju za firme registrovane izvan FBiH nije limitirano članstvom u Komori te je otvoreno za sve firme koje posjeduju halal certifikat izdat od strane Agencije za halal certificiranje u Tuzli.

Pri Privrednoj komori FBiH od 2015. godine djeluje i Udruženje halal industrije, a novoimenovani predsjednik ovog udruženja Vedad Halilović, ujedno i direktor izvoza As holdinga, istaknuo je da je cilj zajedničkim naporima pospješiti rad članica i učiniti njihovo djelovanje koherentnijim kako na domaćem tako i na ino tržištima.



Emir Pašić, sekretar Udruženja halal industrije nakon što je prisutnima predstavio učesnike Info dana halal industrije prezentirao je Udruženje i njegove aktivnosti u proteklom periodu.

Trenutno Udruženje halal industrije okuplja 12 lidera bh. prehrambene industrije uključujući i regulatore, Agencije za halal certificiranje IZ, i Veterinarski fakultet Sarajevo te BBI bankui SAHAF.

Istakao je da možemo biti ponosni na pokazatelje rasta i razvoja bh halal industrije koja je u protekle tri i po godine sa 1.5 milijardu KM prometa, 8.000 usposlenih i 640.000 tona ukupne proizvodnje te 6.400 halal certificiranih proizvoda ove godine ostavila 2,4 milijarde KM ukupnog prometa, 9.500 usposlenih, ostvarivši ukupan obim proizvodnje od 911.000 tona sa 6.900 halal certificirana proizvoda.

Uz napomenu da gore navedeni pokazatelji ne obuhvataju sektore halal turizma i ugostiteljstva čiji intezivniji rast i razvoj očekujemo u narednom periodu.

Vizija Udruženja je da želi postati regionalni lideri halal industrije gradeći od halal certificiranih BH proizvoda uistinu prepoznatljiv brend koji garantira zdravu, sigurnu non GMO hranu.

Specijalni gost Info dana, gospodin Zafarjon Khotamov, specijalni savjetnik za operacije Grupacije Islamske razvojne banke iz Saudijske Arabije govorio je o izazovima u halal industriji i inovativnim načinima kako podstaknuti rast ovog tržišta.

"Halal tržište vrijedi 2,3 triliona dolara, a naša procjena je da će ubrzo ostvariti rast od tri triliona dolara. Kompanije vide veliki potencijal i benefite od prisustva na ovom tržištu, što se odnosi kako male, tako i velike kompanije", rekao je Khotamov, ističući važnost dobro osmišljenog strateškog pristupa halal tržištu.

Damir Alihodžić, direktor Agencije za certificiranje halal kvaliteta BiH podsjetio je na važnost pouzdanog sistema za certificiranje halal proizvoda, što je bit poslovanja Agencije.

"Broj certificiranih halal kompanija raste 20 posto svake godine", rekao je Alihodžić.

O važnosti halala u finansijskom sektoru govorila je Aida Hadžić iz BBI Banke.

"Izazove poput neadekvatne zakonske regulative za islamsko bankarstvo u BBI Banci prevazilazimo prvenstveno putem edukacije javnog mnijenja o prednostima islamskog bankarstva", dodala je Hadžić.

Novi član Udruženja halal industrije pri PKFBiH odnedavno je i Veterinarski fakultet u Sarajevu čiji laboratorij igra ključnu ulogu u kontroli halal certificiranih proizvoda.


"Pogrešna je percepcija da se pojam halala vezuje samo za prehrambene proizvode. Halal ima mnogo širi smisao", rekao je dekan Veterinarskog fakulteta u Sarajevu Nihad Fejzić.

Sarajevo Halal Fair 2018 organiziran od strane Bosna Bank International (BBI) u saradnji sa Islamskom zajednicom u BiH i Islamskom razvojnom bankom (IsDB) uz podršku P/G komore F BiH, okupio je učesnike iz više od 40 zemalja, te oko 100 izlagača iz cijelog svijeta.

Tokom tri dana trajanja Sarajevo Halal Fair 2018 je zabilježio posjetu 10.500 posjetilaca.

Zabilježeni su susreti regionalnih proizvođača halal proizvoda i pružalaca halal usluga iz Bosne i Hercegovine, Srbije, Hrvatske, Crne Gore, Slovenije, Makedonije i Albanije sa velikim kupcima i distributerima iz Evropske unije, Saudijske Arabije, Turske, Malezije, Bahreina, Libije i Ujedinjenih Arapskih Emirata.

Nakon izvrsno organiziranog Sarajevo Halal Sajma očekivati je da će on postati tradicionalna sajamska manifestacija koja će ući u sve Agende svijetske halal industrije.



Pripremio: Emir Pašić dipl.ecc.

Susret firmi IT sektora BiH sa kompanijama BUTECH Software Cluster

U organizaciji fondacije BIGMEV, Privredne komore FBiH –Udruženje IKT i SERDE, predstavnici više od 20 firmi iz BiH su imali susrete sa firmama BUTECH Software Clustera.

Brojni sastanci prisutnih firmi, oko 190 B2B susreta, su omogućili upoznavanje i predstavljanje, čime su otvorena vrata buduće saradnje.



Bila je ovo prilika za posjetu najvećem univerzitetu u Turskoj, Uludag University, koji trenutno obrazuje oko 90.000 studenata, a impresivan kampus je smješten u prostoru od 17.000.000 m².

U okviru kampusa je i Ulutek Technopark i klaster BUTECH- Bursa Software Cluster.

U okviru radne posjete, upriličen je susret sa Udruženjem privrednika „Rumelisiad“. Rumelisiad je udruženje preko privrednika koji su porijeklom sa Balkana, i najbrojniji su iz Bosne i Hercegovine, Makedonije, Crne Gore, Bugarske i Srbije. U razgovoru su predstavljene mogućnosti saradnje u oblasti informatike, ali i drugim privrednim granama. Najavljena je uzvratna posjeta ovog udruženja u skorije vrijeme.



Pripremila: Enisa Kadić dipl.ecc.

Na marginama Sarajevo Halal foruma 2018. potpisan memorandum sa trgovačkom i industrijskom komorom Iskenderuna / Republika Turska

Na marginama Sarajevo Halal Sajma u Sarajevu je dana 27.09.2018.godine u komori je upriličen radni sastanak sa predstavnicima trgovačke i industrijske komore Iskenderuna/ Republika Turska.



Tom prilikom je predsjednik P/G komore FBiH Mirsad Jašarspahić FBiH je zajedno sa Generalnim sekretarom trgovačke i industrijske komore Iskenderuna, gospođom Figen Gül Dönmez potpisao Memorandum o poslovnoj saradnji dviju Komora.

Značajno je istaći leadersku poziciju regije Iskenderun koja u ukupnom izvozu metalnog sektora Republike Turske participira preko 30 procenata. Impresionira i podatak da se preko 55-60% od ukupne proizvodne industije filtera Republike Turske se proizvede u Iskenderunu.

Tom prilikom su sagledane mogućnosti povezivanja privrednika dviju Komora kako na iznalaženju trećih tržišta tako i na eventualnom izmještanju dijela proizvodnje u Bosnu i Hercegovinu putem osnivanja zajedničkih firmi.

Pripremio: Emir Pašić dipl.ecc.

Održan sastanak sa privrednom delegacijom trgovačke komore Malezije



Drugoga dana Sarajevo Halal Forumu Privrednu komoru FBiH je posjetila privredna delegacija Malezije predvođena njihovom trgovačkom komorom.

U toku jednosatnog radnog sastanka predsjednik PKFBiH Mirsad Jašarspahić je gostima prezentirao organizaciju i aktivnosti Privredne komore FBiH.

Šef malezijske delegacije, H.E. Dato Haji Che Abdullah Bin Mat Nawi, poslanik malezijskog Parlamenta je predstavio članove svoje privredne delegacije i zahvalio se domaćinima na ukazanom gostoprimstvu kao i iskazanom interesu za poslovnu saradnju.

Tom prilikom gosti su informisani o svim modalitetima osnivanja firmi u BiH, kao i o potencijalima i prilikama za ulaganje.

Iskazan je interes malezijske strane za ulaganje u bh privredu, kroz osnivanje mikrokredinih organizacija, ulaganje u prehrambeni sektor i turizam sa akcentom na otvaranje malezijskog tržišta bh Halal industriji.

Pripremio: Emir Pašić dipl.ecc.

RADIONICA

U pripremi projekti za program prekogranične suradnje Hrvatska - BiH - Crna Gora

U HGK – Županijskoj komori Split se 13. i 14. rujna održava sastanak partnerskih konzorcija koji planiraju prijaviti projekte na 2. poziv programa Interreg IPA CBC Hrvatska - BiH - Crna Gora. HGK u suradnji s gospodarskim komorama iz Federacije Bosne i Hercegovine i Crne Gore razvojem prekograničnih projekata nastoji poboljšati institucionalnu infrastrukturu i usluge s ciljem ubrzanja razvoja poslovnoga okruženja, konkurentnosti i internacionalizacije poslovanja gospodarskih subjekata koji djeluju unutar programskog područja.



Cilj ovih sastanaka je finaliziranje šest projektnih prijedloga kako bi bili spremni za prijavu, budući da se objava poziva za prijavu očekuje do kraja rujna", rekao je potpredsjednik HGK za industriju i IT, energetiku i zaštitu okoliša, Tomislav Radoš.

Zajednički rad kroz Forum jadransko-jonskih gospodarskih komora, kojem ŽK Split predsjedava, rezultirao ovom konkretnom suradnjom na razradi projekata te se nadam da će isti biti uspješno prijavljeni i realizirani", rekla je potpredsjednica HGK za graditeljstvo, promet i veze i v. d. predsjednica ŽK Split Mirjana Čagalj te ujedno pozvala nazočne na predstojeći zajednički Forum jadransko-jonskih gospodarskih komora, gradova i sveučilišta, od 16. do 18. listopada ove godine u Splitu.



Inicijativa za jačom suradnjom na prijavi zajedničkih projekata nastala je u lipnju prošle godine nakon 17. Forumu jadransko-jonskih gospodarskih komora, na kojem je ŽK Split preuzela predsjedanje Forumom te Mirjana Čagalj izabrana za njegovu predsjednicu. Utvrđena je potreba konkretizacije dugogodišnje suradnje više od 40 gospodarskih komora iz osam zemalja jadransko-jonskog područja kroz veći broj razrađenih i prijavljenih projekata.

U kolovozu prošle godine u ŽK Split djelatnici Sektora za industrijski razvoj i inovacijski sustav su uz potporu predstavnika Ministarstva regionalnog razvoja i fondova EU i Agencije za regionalni razvoj održali četverodnevnu radionicu "Proces pripreme i prijave na EU programe i projekte".

Nakon splitske, radionica na istu temu i s istim ciljem održana je koncem godine i u Privrednoj komori Federacije Bosne i Hercegovine u Mostaru.

Istovremeno se radilo na definiranju tema od zajedničkog interesa za projektne prijedloge koji bi mogli biti sufinancirani kroz program prekogranične suradnje te se krenulo prema definiranju partnerskih konzorcija i raspisivanju projektnih prijedloga. Ovaj dvodnevni sastanak u Splitu i sama prijava predstavljat će finalizaciju cijelog dosadašnjega procesa.

Programsko područje pokriva površinu od 87.453 km² (od čega 40,5% otpada na područje Hrvatske, 44,9% na područje Bosne i Hercegovine te 14,6% na područje Crne Gore) te broji 5.587.836 stanovnika. Program suradnje sastoji se od NUTS 3 regija, koje obuhvaćaju 12 županija iz Hrvatske, 110 općina iz Bosne i Hercegovine te 10 općina iz Crne Gore.

Kao opći cilj Programa suradnje Hrvatska – Bosna i Hercegovina – Crna Gora 2014. – 2020. izdvaja se jačanje socijalnog, ekonomskog i teritorijalnog razvoja u pogledu prekogranične suradnje kroz provedbu zajedničkih projekata i aktivnosti.

Pripremio: Ivica Barbarić dipl.ing.agr.

Privredna/Gospodarska komora FBiH: Potpisan sporazum o saradnji poduzetnica iz Hrvatske, Slovenije, Srbije i Bosne i Hercegovine

U srijedu 3. oktobra 2018. godine, Privredna/Gospodarska komora FBiH bila je domaćin i suorganizator konferencije povodom potpisivanja Sporazuma o saradnji među ženama u poduzetništvu četiri države – Hrvatske, Srbije, Slovenije i Bosne i Hercegovine.

Sporazum su potpisale predsjednice udruženja poduzetnica:

- "Virtualni ženski poduzetnički centar" iz Zagreba na čijem je čelu poduzetnica i direktorica centra Sanela Dropulić,
- „Promocija zdravog života“ na čelu sa poduzetnicom Sofijom Bajić iz Novog Sada,
- "Društvo Miniaturna - Mala misao, velika djela", na čelu sa slovenskom poduzetnicom iz Ljubljane Zori Jakolin, te
- "Poduzetnice IN" iz Bosne i Hercegovine, koje predstavlja Adisa Tufo iz Sarajeva.

Regionalna saradnja poduzetnica predstavlja historijski iskorak u umrežavanju poduzetnica. Kako navode potpisnice, prvi put u historiji Jugoistočne Evrope potpisan je sporazum koji povezuje oko pet hiljada žena u poduzetništvu, a u koji su uključene i predstavnice četiri zemlje, vlasnice kompanija i obrta, poslovne žene, te one koje razmišljaju o poduzetništvu i aktivno djeluju da bi ostvarile svoje poslovne planove. Potpisnice Sporazuma o zajedničkom djelovanju ove regionalne inicijative najavile su brojne predstojeće aktivnosti. Sporazumom je definirano i zajedničko djelovanje od sada u području četiri države poput:

- inovativnoga i konstruktivnoga umrežavanja poduzetnica jugoistočne Evrope,
- snažne motivacije za pokretanje i razvoj poduzetništva u žena,
- logistike za promociju i razvoj poduzetničkih aktivnosti žena ovog dijela Evrope,
- razmjene iskustava i zajedničkog djelovanja,
- kreiranja novih tržišnih poslovnih suradnji i prilika,
- provedbe kontinuiranih edukacija kao najboljeg ulaganja u poduzetništvo,
- angažiranije poslovne aktivnost žena,
- poticanja konkurentnosti i izvrsnosti među poduzetnicama,
- smanjenja marginaliziranog položaja žena u poslovnom svijetu u mnogim društvenim sredinama,
- otvaranja mogućnosti za učinkovito pozicioniranje ženskih poduzetničkih aktivnosti u Europskoj Uniji.

Kao domaćin događaja prisutne je pozdravio predsjednik Privredne/Gospodarske komore FBiH, Mirsad Jašarspahić, koji je naglasio da Privredna komora na čijem je čelu intenzivno radi na spajanju institucija, udruženja koje zastupaju poduzetnike: "Zajedničkom saradnjom možemo učiniti Bosnu i Hercegovinu, region, boljim mjestom za poduzetnice i time stvoriti dobre uvjete za investicije". Ovom prilikom je Jašarspahić čestitao poduzetnicama na ostvarenoj saradnji, te iskazao spremnost P/G komore FBiH da bude podrška svim budućim aktivnostima poduzetnica.





Od velikog značaja za potpisnice Sporazuma bila je i podrška lokalnih, međunarodnih organizacija, institucija Bosne i Hercegovine. Među gostima su bili i dali svoju podršku, predstavnici sarajevskih općina, predstavnici Vanjskotrgovinske komore BiH, Privredne komore FBiH, kao i Privredne komore RS, GIZ-a, Bigmev'a, Evropske banke za obnovu i razvoj, a prisutne je ispred Veleposlanstva Republike Hrvatske pozdravio mr.sc. Ivan Del Vechio, izvanredni i opunomoćeni veleposlanik, koji je ovom prilikom čestitao poduzetnicama na ostvarenoj saradnji, istakavši da vidi bolje, kvalitetnije društvo nakon realizacije projekata koje ova saradnja nosi: „Ja vidim da žene, poduzetnice, žive život, ispunjen i bogat i veliko je zadovoljstvo biti danas s vama“.

Potpisnice Sporazuma o zajedničkom djelovanju ove regionalne inicijative, nakon potpisivanja sporazuma u Sarajevu, najavili su posjetu Republici Turskoj 30. oktobra, promociju prve slikovnice koja uči o poduzetništvu Jugoistočne Europe „Ja sam mali poduzetnik“ autorice Sanele Dropulić na Svjetski dan poduzetnica 19.11. u Zagrebu, a zatim i diljem regije, kao i sudjelovanje i organizaciju regionalnih B2B susreta poduzetnica u Rogaškoj Slatini 07 – 09. 12.2018. godine, uz cijeli niz zajedničkih projekata u edukaciji budućih i sadašnjih vlasnica tvrtki i obrta, te sudjelovanje na četvrtom po redu Kongresu poduzetnica koji će se, kao najveća poslovna manifestacija žena u biznisu jugoistočne Europe, održati u Zagrebu 08. marta 2019. godine.

Napominjemo da je Privredna/Gospodarska komora Federacije BiH Zaključkom Vlade Federacije Bosne i Hercegovine, imenovana kao jedna od koordinirajućih institucija po SBA dimenzijama, čime je osigurala prohodnost SBA procesa internog izvještavanja i aktivnosti unaprjeđenja indikatora poslovnog ambijenta. Akcioni plan za razvoj poduzetništva žena za period 2018-2020. godine predstavlja operacionalizaciju dijela Akcionog plana implementacije SBA principa za FBiH za period 2017-2018. godine, usvojenog od strane Vlade Federacije BiH. Njime se operacionalizuje prvi SBA princip „Stvoriti stimulativan ambijent za razvoj poduzetništva“ u pripadajućoj pod-dimenziji koja se odnosi na poduzetništvo žena.

Vlada FBiH je na 157. sjednici održanoj u Mostaru 21.09.2018. godine, usvojila informaciju Federalnog ministarstva razvoja, poduzetništva i obrta o Akcionom planu za razvoj poduzetništva žena u FBiH za period od 2018. do 2020.

Promoviranjem i podrškom povezivanju poduzetnica nastoji se postići više međusobno povezanih efekata, od motiviranja potencijalnih novih poduzetnica, preko zajedničkih projekata i poslovnih poduhvata, do šireg društvenog uvažavanja značaja i uloge poduzetnica u ekonomskom i društvenom životu zemlje.



Pripremila : Andreja Softić dipl.oec.

Izrada prijedloga Akcionog plana 2019.-2023.godine za realizaciju Strategije razvoja industrije tekstila, odjeće u Federaciji BiH za period 2013.-2023.godina.

Po osnovu Zaključka Vlade Federacije BiH, V.broj:842/2018,usvojen je Izvještaj Federalnog ministarstva energije, rudarstva i industrije i Privredne komore Federacije BiH o provođenju Akcionog plana 2013-2018.godina za period 2017. godine.

U Akcionom planu je definisano 7 prioriteta, 21 mjera i 54 aktivnosti koje je potrebno izvršiti da bi mjere i prioriteti iz Akcionog plana bili realizovani, pri čemu su rokovi izvršenja 2013.-2018. godina.

Praćenje provođenja akcionog plana i izvještavanje

Za praćenje i izvještavanje o provođenju Akcionog plana zaduženi su FMERI i P/G K FBiH.Prikupljanje relevantnih podataka,odnosno mjerljivih indikatora izvršenja aktivnosti vrši se kontinuirano, putem informacija dobivenih od nadležnih institucija na svim nivoima vlasti u Bosni i Hercegovini (ministarstava, instituta, zavoda, agencija i sl.), objava u službenim glasilima Bosne i Hercegovine, redovnim praćenjem sjednica Vlade Federacije Bosne i Hercegovine i drugo.

Izjveštaj za 2017.godinu,prestavlja kontinuitet u izvještanju Vlade Federacije Bosne i Hercegovine. Na prijedlog Federalnog ministarstva energije, rudarstva i industrije i Privredne/Gospodarske komore Federacije Bosne i Hercegovine, Vlada Federacije Bosne i Hercegovine je usvojila Izvještaje o provođenju Akcionog plana 2013.-2018.godina za realizaciju Strategije razvoja industrije tekstila, odjeće, kože i obuće u Federaciji Bosne i Hercegovine za period 2013.-2023. godine, u 2013, 2014, 2015. i 2016. godini. Predmet monitoringa su aktivnosti, a putem definisanih mjerljivih indikatora izvršenja za svaku aktivnost je određeno da li je izvršenje u skladu sa planiranim rokovima.

Prvi izvještaj o provođenju Akcionog plana koji se odnosi na izvještajni period koji obuhvata 2013. godinu usvojen je na 120. sjednici Vlade Federacije Bosne i Hercegovine održanoj 19.06.2014. godine (ZaključakV.broj: 1156/2014).

Drugi izvještaj o provođenju Akcionog plana koji se odnosi na izvještajni period koji obuhvata 2014. godinu usvojen je na 71. sjednici Vlade Federacije Bosne i Hercegovine održanoj 29.09.2016. godine (ZaključakV.broj: 1822/2016).

Treći izvještaj o provođenju Akcionog plana koji se odnosi na izvještajni period koji obuhvata 2015. godinu usvojen je na 77. sjednici Vlade Federacije Bosne i Hercegovine održanoj 10.11.2016. godine (ZaključakV.broj: 2008/2016).

Četvrti izvještaj o provođenju Akcionog plana koji se odnosi na izvještajni period koji obuhvata 2016. godinu usvojen je na 111. sjednici Vlade Federacije Bosne i Hercegovine održanoj 13.07.2017. godine (ZaključakV.broj: 995/2017).



Po osnovu tačke 2.ZaključkaVlade FBiH, Privredna komora Federacije BiH i Federalnominstarstvo energije, rudarstva i industrije zaduženi su za izradu prijedloga Akcionog plana 2019-2023. godina za realizaciju Strategije razvoja industrije tekstila, odjeće, kože i obuće u Federaciji BiH za period 2013.-2023. godina.

Po tom osnovu obaviješteni su privredni subjekti iz oblasti proizvodnje tekstila, odjeće, kože i obuće sa područja Federacije Bosne i Hercegovine da je u toku izrada prijedloga Akcionog plana 2019-2023. godina.

Cilj izrade dokumenta je da se istaknu opšte karakteristike i problemi sa kojima se suočavaju industrija tekstila, odjeće, kože i obuće u Federaciji Bosne i Hercegovine, te predlože mjere i aktivnosti koje se trebaju realizirati, s težnjom konačnog oporavka ove industrijske grane. U Akcionom planu biti će definisani Prioriteti, Mjere i Aktivnosti (kroz koje će biti definisan njen cilj, mjerljivi indikator za izvršenje, nosilac aktivnosti, rokovi za implementaciju, kao i institucije odgovorne za implementaciju).

Održan sastanak Grupacije proizvođača i prerađivača duhana i duhanskih proizvoda P/G komore FBIH



Dana, 24.08.2018. godine sa početkom u 11:00 sati u Mostaru, u zgradi Gospodarske komore FBiH, održan je sastanak Grupacije proizvođača i prerađivača duhana i duhanskih proizvoda P/G komore FBIH.

Na dnevnom redu su se našli Zapisnik sa sastanka održanog 12.07.2018., problemi u proizvodnji i preradi duhana, mogućnost iznalaženja rješenja i suzbijanje crnog tržišta, te ostalo. Sastanak je otvorila Erina Lasić, a dalje vođenje je prepušteno Predsjedniku Grupacije gosp. Anisu Nurkiću.

Nakon izlaganja i obrazloženja svih članova Grupacije, pristupilo se jednoglasnom donošenju zaključaka, kao što su donošenje pojedinačnih pravilnika, povećanje poticaja, promicanje proizvodnje domaćih sorti duhana, uvođenje opcije povlaštene akcizne stope, pomjeranje roka prijave za poticaj, plaćanje akcize uz odgodu od 30 dana, ...

Također, govorilo se o nastupu duhanara na Sajmu u Gudovcu, Bjelovar od 7. do 9.9. 2018. godine.

Pripremila: Erina Lasić dipl.ing. polj.

Privredna/Gospodarska komora FBiH poziva sva zainteresovana lica javnog i privatnog sektora da uzmu učešće na jednodnevnoj stručnoj edukaciji pod nazivom:

**„PROGRAM FINANSIRANJA PROJEKATA SMANJENJA POTROŠNJE ENERGIJE I
KORIŠTENJA OIE
KAO MJERE EE U JAVNOM I PRIVATNOM SEKTORU KROZ REVOLVING FOND“**

Finansiranje projekata smanjenja potrošnje energije i korištenja OIE kao mjere EE

Program finansiranja projekata smanjenja potrošnje energije i korištenja obnovljivih izvora energije kao mjere energetske efikasnosti u javnom i privatnom sektoru kroz REVOLVING FOND

aktivnost implementirana u okviru projekta ZELENI EKONOMSKI RAZVOJ

CETEOR **GED** **CRP**

| | |
|--|--|
| Tuzla, 18. oktobar 2018. Hotel Tuzla | Bijeljina, 19. oktobar 2018. Hotel Drina |
| Banja Luka, 25. oktobar 2018. Hotel Vidović | Bihać, 26. oktobar 2018. Hotel Emorium |
| Zenica, 30. oktobar 2018. Hotel Dubrovnik | Trebinje, 02. novembar 2018. Gradska Uprava Trebinje |
| Međugorje, 08. novembar 2018. Etno selo Herceg | Mostar, 09. novembar 2018. INTERA tehnološki park |
| Teslić, 15. novembar 2018. Hotel Kardial | Sarajevo, 16. novembar 2018. Hotel Hills Sarajevo |

Kroz jednodnevni stručni program, svim zainteresiranim licima će se ponuditi stručno osmišljen program o metodologiji apliciranja projektnih prijedloga putem Javnih poziva, kroz konkretne primjere i tematske oblasti relevantne za sticanje uslova dobivanja sredstava iz Revolving fonda, potrebnih za implementaciju mjera energetske efikasnosti i obnovljivih izvora energije, vođen od strane renomiranih stručnjaka iz ove oblasti.

Više informacija na web stranici <http://www.kfbih.com/poziv-za-program-finansiranja-projekata-smanjenja-potrosnje-energije-i-koristenja-obnovljivih-izvora>

Održana prva konstituirajuća i izborna sjednica Skupštine Privredne/Gospodarske komore FBiH za mandatni period 2018. – 2022. godina

01. oktobra 2018. godine u Sarajevu održana je prva konstituirajuća i izborna sjednica Skupštine Privredne/Gospodarske komore FBiH za mandatni period 2018. – 2022.



Skupštinu je otvorila Ivana Vujević, predsjednica Skupštine P/G K FBiH, nakon čega je usvojen dnevni red i Odluka o imenovanju Odbora za verifikaciju mandata i utvrđivanje rezultata glasanja.

Prisutne je potom u ime Premijera Vlade FBiH i svoje lično ime pozdravio federalni ministar razvoja, poduzetništva i obrta Amir Zukić. Istakao je kako je rad Privredne/Gospodarske komore FBiH u proteklom mandatnom periodu potvrdio svrsishodnost i potpuni smisao saradnje Komore i Vlade FBiH, sa zajedničkim ciljem da se stvori što je moguće bolji poslovni ambijenti. Naglasio je kako je aktuelna Vlada započela mnoge reformske procese koji stvaraju pretpostavke za unaprijeđen poslovni ambijent, istovremeno izrazivši žaljenje zbog toga što nisu usvojene mjere koje bi značile rasterećenje privrede.




Od provedenih reformi, posebno je izdvojio Zakon o poticanju male privrede i Zakon o poboljšanju poslovne infrastrukture, kao dva važna propisa koja su sektoru malih preduzeća dodatan vjetar u leđa za kvalitetnije poslovanje i pretpostavka za kvalitetnije subvencioniranje. Ministar Zukić čestitao je predsjedniku i potpredsjednik P/G K FBiH na saradnji u periodu 2014. – 2018. godina, te izrazio nadu da će se dobra saradnja Vlade FBiH i Komore nastaviti i prođubiti u narednom periodu.

Nakon što su jednoglasno usvojeni izvještaji Odbora za verifikaciju mandata i utvrđivanje rezultata glasanja te Komisije za izbor i imenovanje organa i članova organa P/G K FBiH, prisutni delegati Skupštine pristupili su glasanju za organe i članove organa Komore. Jednoglasnom odlukom prisutnih delegata, za predsjednika i potpredsjednika Skupštine P/G K FBiH u mandatnom periodu 2018. – 2022. godina imenovani su Bajazit Jašarević, JP Elektroprivreda BiH d.d. Sarajevo i Ivana Vujević, GUMA M d.o.o. Mostar. Funkcije predsjednika i potpredsjednika Upravnog odbora povjerene su Mirsadu Zaimoviću, BH Telecom d.d. Sarajevo i dr. sci. Dariju Jerkoviću, Economic d.o.o. Vitez, dok su za predsjednika i potpredsjednika Nadzornog odbora imenovani dr. sci. Mia Glamuzina, Natura-Pharm d.o.o. Široki Brijeg i prof. dr. Zaim Buljubašić, BH Telecom d.d. Sarajevo Direkcija Tuzla. Doc. dr. Marko Šantić i Mirsad Jašarspahić ponovo su izabrani na funkcije



predsjednika i potpredsjednika Privredne/Gospodarske komore FBiH.

Doc. dr. Šantić je u svom obraćanju nakon glasanja zahvalio članovima Skupštine, ali i prisutnim predstavnicima vladinog sektora, Vanjskotrgovinske komore BiH i Udruženja poslodavaca FBiH na podršci, te je istakao kako će i narednom mandatu pružiti podršku reformskim mjerama koje vode ka evropskim integracijama i održavati intenzivne kontakte sa firmama iz svih dijelova FBiH. Mirsad Jašarspahić je naglasio da je rukovodstvo Komore u prethodnom mandatu uvažavalo smjernice privrede i partnera iz vladinog i nevladinog sektora, te da je ponovno imenovanje potvrda ispravnosti ovog pristupa, kao i zalaganja i truda u prethodnom periodu.



Pripremila: Aida Handžić dipl.ecc.

Najavljujemo :

Prva međunarodna sedmica inženjerstva BiH

BH Engineering Week je već u svojoj pripremi okupila najeminentnije stručnjake iz inženjerskog svijeta BiH, cijele Evrope i svijeta, uspješne poduzetnike, profesore, govornike i cijelu poslovnu zajednicu Bosne i Hercegovine, nove ideje, nove tehnologije, nova ekonomija, svi trendovi novog rasta, nauke i proizvodnje.

Umrežavanje privrede, stručne i akademske zajednice, predstavljanjem uspješnih i edukacijom novih stručnjaka, okupljamo najbolje proizvođačke kompanije u regiji i predstavljamo njihove proizvode. SIBIH/ BHEW jača karakter cijele industrije u BiH jer razmjenjujemo znanja i iskustva, ali i vraćamo povjerenje svih građana u Bosnu i Hercegovinu.

Programom, sedmica inženjerstva BiH povezuje tri značajna događaja koji će doprinjeti snažnijoj i kvalitetnijoj zajednici inženjera i stručnjaka u BiH, boljoj povezanosti sa industrijom regije i Evrope, ali i napraviti novi brand pod nazivom BH ENGINEERING WEEK:

1. Sarajevo i Banja Luka 21 i 23. 11. 2018. godine: Radionice IEEE World Standards Association, Posjeta visoke delegacije IEEE svjetskog udruženja inženjera i susret sa predstavnicima industrije u Bosni i Hercegovini.
2. Tuzla, od 28. do 30. 11. 2018. godine: III Business Strategic Forum BSF okuplja sve aktere uključene u razvoj industrije: vlasnike kompanija, CEO, istaknute inženjere svih oblasti, tehnologe, privredne komore i ministarstva, eminentne profesore, stručnjake, inovatore i medije; Odabire i prezentira trendove u industrijskoj proizvodnji regije i Evrope, Keynote govornici, panel diskusije, radionice, studije slučaja, poster sesiju - sajam inženjerskih rješenja MADE IN BIH,
3. Sarajevo od 30.11. do 02.12. 2018. godine: IEEE Kongres za studente i mlade profesionalce BH/ Kongres za studente i mlade profesionalce u BiH, IEEE (svjetska organizacija inženjera) sekcija BiH, School of Science and Technology Sarajevo, Prezentacije inicijativa i ideja mladih ljudi iz BiH predstavnicima industrije i inkubatorima, Expo.



Realizacija ISIBH/ IBHW na partnerskom nivou provodi se u programskom, izlagačkom i promotivnom segmentu i obuhvata intenzivnu saradnju svih nivoa vlasti države BiH (Vijeće ministara BiH, entiteti, kantoni, gradovi), privrednih komora, Udruženja poslodavaca, svih udruženja inženjerskih struka, stručne i akademske zajednice uz izvršnu produkciju Agencije Colosseum Tuzla, u partnerstvu sa Udruženjem mašinskih inženjera u BiH, IEEE (svjetsko udruženje inženjera) sekcija u BH, BH FuturesFoundationi NGO Radio Kameleon Tuzla.



„Ovo je prvi puta u Bosni i Hercegovini da se organizira ovakva sveobuhvatna inženjerska konferencija koja treba da utvrdi stanje inženjerstva, da ga komparira sa svjetskim dostignućima i ponudi pravce daljeg razvoja. Posljednja ovakva konferencija se je održana u Cavtatu za cijelu bivšu državu. Na toj konferenciji smo razmatrali pravce razvoja robotizacije, automobilske industrije alatničarstva i elektronike.

Krajnje je vrijeme za novi početak.“

Udruženje mašinskih inženjera u BiH

Dipl. ing. maš. Sead Jahić

P.R. udruženja

POZIV ZA PRIJEDLOGE

PRIDRUŽI SE I UZMI AKTIVNO UČEŠĆE U PREZENTACIJI NAJUSPJEŠNIJIH PRIMJERA IZ PRAKSE.

Poštovane inženjerke, poštovani inženjeri, direktori proizvođačkih kompanija,

Ne dozvolite da vaša postignuća prođu neopaženo. Razmijenite iskustva, promovirajte se, dođite do novih spoznaja, obnovite stara poznanstva, upoznajte nove ljude, te u stručnom i poticajnom okruženju u društvu brojnih kolegica i kolega različitih inženjerskih struka prezentirajte vaš rad, vaše rezultate, vaša postignuća.

Koristimo ovu priliku da Vas u ime Organizacionog odbora „1. BH sedmice inženjerstva" koja će biti održana 28. i 29. novembra/studenoga 2018. godine u Tuzli u okviru 3. Business Strategic Forumu (BSF) pozovemo da prezentirate vaša dostignuća.

Prezentacija prijavljenih radova će se u formi sajma/poster sesije održati 28. i 29. novembra/studenog 2018. godine u sklopu Business Strategic Forumu u holu Bosanskog kulturnog centra Tuzlanskog Kantona u Tuzli.

Svi prijavljeni radovi će biti verificirani od strane stručnog žirija sačinjenog od kompetentnih stručnjaka iz nauke i prakse, a u skladu sa definiranim kriterijima zasnovanim na: inovativnosti, originalnosti, primjenjivosti, nivou primjenjenih tehnologija, širini implementacije, potencijalnim mogućnostima za dodatna unaprjeđenja, ostvarenim efektima, itd. Deset najuspješnijih radova shodno definiranim kriterijima će biti pozvani da se prezentiraju na Business Strategic Forumu u četvrtak 29. novembra/studenog 2018. godine.

Rok za prijave radova je 12. novembra/studeni 2018. godine. Organizator preuzima obavezu štampe dostavljenog rada u odgovarajućoj formi na osnovu pripreme od strane autora.

Iskoristite priliku da se stručno i poslovno promovirate, da promovirate svoje ideje, da promovirate svoju kompaniju, a sve u cilju unaprjeđenja konkurentnosti BH privrede u cjelini.

ODLUKA
O VERIFIKACIJI MANDATA ČLANOVA SKUPŠTINE
PRIVREDNE/GOSPODARSKE KOMORE FEDERACIJE
BOSNE I HERCEGOVINE

Član/ak 1.

Verificira se mandat poslovnim subjektima, članovima Privredne/Gospodarske komore Federacije BiH, te se potvrđuju data ovlaštenja za zastupanje u Skupštini P/G K FBIH za mandatni period 2018-2022. godina:

| R.br | Naziv privrednog/gospodarskog društva | Zastupnik u Skupštini | Kanton/Županija |
|------|---------------------------------------|-----------------------|-----------------|
| 1. | JP NACIONALNI PARK UNA | Amarildo Mulić | USK |
| 2. | A.D.S.I MONTAŽA d.o.o. Velika Kladuša | Adem Ibradžić | USK |
| 3. | SANI-GLOBAL d.o.o. Bihać | Refik Huseinbašić | USK |
| 4. | WWT d.o.o. Bihać | Denis Selmanović | USK |
| 5. | URIJE-GP d.o.o. Bihać | Denis Čananović | USK |
| 6. | SEJDIĆ-COMMERCE d.o.o. Odžak | Safet Sejdić | PŽ |
| 7. | DINOZA d.o.o. Orašje | Dinko Klarić | PŽ |
| 8. | POINT d.o.o. Orašje | Velimir Brašnić | PŽ |
| 9. | KOTURIĆ-TONI d.o.o. Domaljevac | Marko Koturić | PŽ |
| 10. | DELING d.o.o. Tuzla | Omer Delalić | TZ |
| 11. | SUPFINA d.o.o. Gradačac | Adnan Hodžić | TK |
| 12. | RMU BANOVIĆI d.d. Banovići | dr. Munever Čerčić | TK |
| 13. | SISECAM SODA Lukavac d.d. Lukavac | Nihad Akeljić | TK |
| 14. | PAVIĆ-KOMERC d.o.o. | Dejan Pavić | TK |
| 15. | ALMY d.o.o. Zenica | Ismet Begić | ZDK |
| 16. | ARCELORMITTAL | Biju Nair | ZDK |
| 17. | IVEX d.o.o. Usora | Josip Erceg | ZDK |
| 18. | TVORNICA CEMENTA KAKANJ d.d. | Branimir Muidža | ZDK |
| 19. | AS HOLDING d.o.o. Tešanj | Rusmir Hrvić | ZDK |
| 20. | ZD RUDNIK MRKOG UGLJA KAKANJ d.o.o. | Mr.sc. Sead Imamović | ZDK |
| 21. | MPI MLIN USTIKOLINA | Šejla Bojadžija | BPK |

| R.br | Naziv privrednog/gospodarskog društva | Zastupnik u Skupštini | Kanton/Županija |
|------|---|-----------------------|-----------------|
| 22. | JP BOSANSKO-PODRINJSKE ŠUME d.o.o. | Kenan Kanlić | BPK |
| 23. | POBJEDA RUDET d.d. Goražde | Muhamed Hubanić | BPK |
| 24. | AGROPODRINJE ZZ Goražde | Nasiha Džaka | BPK |
| 25. | TOM d.d. Gornji Vakuf-Uskoplje | Niko Budimir | SBK/Ž |
| 26. | SARAJ KOMERC d.o.o. Gornji Vakuf-Uskoplje | Nermin Mustafica | SBK/Ž |
| 27. | RUDNICI BOKSITA JAJCE d.d. Jajce | Željko Bojčetić | SBK/Ž |
| 28. | TAMEX d.o.o. Busovača | Dženana Heco | SBK/Ž |
| 29. | ORMAN d.o.o. Kiseljak | Edin Orman | SBK/Ž |
| 30. | GUMA M d.o.o. Mostar | Ivana Vujević | HNŽ/K |
| 31. | PRIVREDNO DRUŠTVO IGMAN d.d. KONJIC | Đahid Muratbegović | HNŽ/K |
| 32. | MINIPEX export/import d.o.o. Mostar | Mile Marinčić | HNŽ/K |
| 33. | HRVATSKA POŠTA d.o.o. Mostar | Boris Kamšigovski | HNŽ/K |
| 34. | JP AUTOCESTE F BIH d.o.o. Mostar | Marin Jelčić | HNŽ/K |
| 35. | OIL-AC d.o.o. Mostar | Miroslav Marić | HNŽ/K |
| 36. | ROING d.o.o. Ljubuški | Slaven Rozić | ZHŽ |
| 37. | NAMEX d.o.o. Široki Brijeg | Jakov Nakić | ZHŽ |
| 38. | VOKEL d.o.o. Posušje | Željko Maltarić | ZHŽ |
| 39. | A3 d.o.o. Široki Brijeg | Josip Kožul | ZHŽ |
| 40. | JP ELEKTROPRIVREDA BIH d.d. Sarajevo | Bajazit Jašarević | KS |
| 41. | ENERGOINVEST d.d. Sarajevo | Bisera Hadžialjević | KS |
| 42. | LUTRIJA BIH d.o.o. Sarajevo | Edhem Pašukan | KS |
| 43. | JP BH POŠTA d.o.o. Sarajevo | Mirsad Mujić | KS |
| 44. | ADDIKO BANK d.d. Sarajevo | Rašid Kičić | KS |
| 45. | ASA HOLDING d.o.o. Sarajevo | Samir Redžepović | KS |
| 46. | PORSCHE BH d.o.o. Sarajevo | Senad Olovčić | KS |
| 47. | BEM d.o.o. Kupres | Boško Mihaljević | HBŽ |

| R.br | Naziv privrednog/gospodarskog društva | Zastupnik u Skupštini | Kanton/Županija |
|------|---------------------------------------|-----------------------|-----------------|
| 48. | EKO SIR PUĐA d.o.o. Livno | Tomislav Puđa | HBŽ |
| 49. | PAVIĆ d.o.o. Livno | Pere Pavić | HBŽ |
| 50. | JP HERCEGBOSANSKE ŠUME d.o.o. Kupres | Ratko Čolić | HBŽ |

Član/ak 2.

Ova odluka stupa na snagu danom donošenja, a primjenjuje se od 16.10.2018. godine.
Odluka se objavljuje u Glasniku P/G K F BiH.

ODLUKA O IZBORU I VERIFIKACIJI MANDATA ČLANOVA UPRAVNOG ODBORA PRIVREDNE/GOSPODARSKE KOMORE FEDERACIJE BOSNE I HERCEGOVINE

Čl. 1.

Ovom odlukom se vrši izbor i verifikacija mandata članova Upravnog odbora
Privredne/Gospodarske komore FBIH za mandatni period 2018. - 2022. godina u sljedećem sastavu:

| R.br | Naziv privrednog/gospodarskog društva | Član UO komore ispred društva | Mjesto sjedišta | Kanton /županija |
|------|---------------------------------------|-------------------------------|-----------------|------------------|
| 1. | BIHAĆKA PIVOVARA d.d | Adem Ibrahimpašić | Bihać | USK |
| 2. | ELEKTROPRIVREDA HZ HB d.d | Gojko Anić | Mostar | HNŽ/K |
| 3. | PRESAL d.o.o. | Toma Soldo | Široki Brijeg | ZHŽ |
| 4. | BIVIS d.o.o. | Josip Bilić | Livno | HBŽ |
| 5. | DERBY d.o.o. | Ivo Knežević | Orašje | PŽ |
| 6. | ECONOMIC d.o.o. | dr.sc. Darijo Jerković | Vitez | SBK/Ž |
| 7. | HIFA OIL d.o.o. | Izudin Ahmetlić | Tešanj | ZDK |
| 8. | BH TELECOM d.d. | Mirsad Zaimović | Sarajevo | KS |
| 9. | CENTROTRANS EUROLINES d.d. | mr.sc. Safudin Čengić | Sarajevo | KS |
| 10. | ZD RUDNICI KREKA d.o.o. Tuzla | dr.sc. Osman Bleković | Tuzla | TK |
| 11. | UNIS-GINEX d.d. | Admin Peštek | Goražde | BPK |

Čl. 2.

Na osnovi ove odluke s imenovanima će se zaključiti pojedinačni ugovori o obvezama i pravima o
obavljanju dužnosti člana Upravnog odbora komore, kojeg zaključuju sa Skupštinom komore.

Čl. 3.

Ova odluka stupa na snagu danom donošenja, a primjenjuje se od 31.10.2018. do 31.10.2022. godine.
Odluka se objavljuje u Glasniku P/G K FBIH.

**ODLUKA
O IZBORU I VERIFIKACIJI MANDATA ČLANOVA NADZORNOG
ODBORA PRIVREDNE/GOSPODARSKE KOMORE FEDERACIJE
BOSNE I HERCEGOVINE**

Čl. 1.

Ovom odlukom se vrši izbor i verifikacija mandata članova Nadzornog odbora Privredne/Gospodarske komore FBiH za mandatni period 2018. - 2022. godina u sljedećem sastavu:

| <i>R.br</i> | <i>Naziv privrednog/gospodarskog društva</i> | <i>Član UO komore ispred društva</i> | <i>Mjesto sjedišta</i> | <i>Kanton /županija</i> |
|-------------|--|--------------------------------------|------------------------|-------------------------|
| 1. | NATURA-PHARM d.o.o. | dr.sc. Mia Glamuzina | Široki Brijeg | ZHŽ |
| 2. | SATELIT-PLUS d.o.o. Čitluk | Ljubica Jukić | Čitluk | HNŽ/K |
| 3. | ABIAS d.o.o. | Senad Brka | Tešanj | ZDK |
| 4. | HYUNDAI AUTO BH d.o.o. | Edin Lončarić | Sarajevo | KS |
| 5. | BH TELECOM d.d. | prof.dr.sc Zaim Buljubašić | Tuzla | TK |

Čl. 2.

Na osnovi ove odluke s imenovanima će se zaključiti pojedinačni ugovori o obvezama i pravima o obavljanju dužnosti člana Nadzornog odbora komore, kojeg zaključuju sa Skupštinom komore.

Čl. 3.

Ova odluka stupa na snagu danom donošenja, a primjenjuje se od 31.10.2018. do 31.10.2022. godine. Odluka se objavljuje u Glasniku P/G K FBiH.

**ODLUKU
O IZBORU I IMENOVANJU PREDsjedNIKA I POTPREDsjedNIKA
PRIVREDNE/GOSPODARSKE KOMORE FEDERACIJE
BOSNE I HERCEGOVINE**

Čl. 1.

Ovom odlukom vrši se izbor i imenovanje za mandatni period 2018. - 2022. godina:
- za predsjednika P/G komore FBiH u prvoj i trećoj godini mandatnog perioda, a za potpredsjednika u drugoj i četvrtoj godini mandatnog perioda doc.dr.sc. Marko Šantić, dipl.oec. iz Širokog Brijega.
- za potpredsjednika P/G komore FBiH u prvoj i trećoj godini mandatnog perioda, a za predsjednika u drugoj i četvrtoj godini mandatnog perioda Mirsad Jašarspahić, dipl.ing.maš. iz Sarajeva.

Čl. 2.

Izmjenjivost mandata predsjednika i potpredsjednika komore u skladu s odredbama čl. 34. Statuta komore, vrši se 31.10. svake godine.

Čl. 3.

Temeljem ove odluke s imenovanima će biti zaključen odgovarajući ugovor o pravima, obvezama, ovlaštenjima i odgovornostima, kojeg zaključuju s Upravnim odborom komore.

Čl. 4.

Odluka stupa na snagu danom donošenja, a primjenjuje se od 31.10.2018. do 31.10.2022. godine. Odluka se objavljuje u Glasniku P/G K FBiH.

Sektor za ekonomske i pravne poslove

Primjena BIM-a u projektovanju i građevinarstvu

U organizaciji Privredne /Gospodarske komore Federacije Bosne i Hercegovine, dana 04.10.2018 godine, održani su B2B susreti i prezentacija na temu: “ Primjena BIM-a u projektovanju i građevinarstvu” .

U ulozi domaćina skupu se obratio predsjednik Privredne/Gospodarske komore Federacije BiH i time iskazao dobrodošlicu zaželivši uspjeh prisutnim gostima kako bh firmama tako i međunarodnim subjektima ističući važnost jačanja privrede kako na državnom tako i međunarodnom planu.

Predstavnici kompanije SWS Engineering SPA, Italija predstavili su svoje iskustvo, prednosti i izazove korištenja BIM(Building Information Modeling) tehnologije u projektovanju i građevinarstvu, kao i B2B sastanke.

BIM praktičari približili su pristupe, tehnike i strategije primjene BIM tehnologije kojima su prevazišli izazove u tunelgradnji, mostogradnji, cestogradnji, građevinarstvu, te time olakšali procese projektovanja, izgradnje i doprinijeli formiranju pouzdane osnove u donošenju odluka. Prema njihovim pokazateljima vodeće kompanije institucionalizuju praksu baziranu na primjeni BIM-u, tako da imaju zajednički pristup korištenju svih većih količina podataka u svoju korist, u korist njihovih projektnih timova, klijenata, ali i cijele kompanije. Također je naglašeno da je BIM inteligentni process zasnovan na 3D modelu koji arhitektama, inženjerima, ali i građevinskom sektoru pruža uvid i alate za efikasnije planiranje, projektovanje, izgranju i upravljanje objektima i infrastrukturom.

Tokom prezentacije skupu se obratio gosp. Mehmed Polimac istakao da kompanija SWS ne nastupa na bh. tržištu kao konkurentna kuća, već naprotiv, na našem tržištu su kako bi prenijeli svoje znanje, iskustvo i ekspertizu, a u sinergiji i kooperaciji sa lokalnim bh firmama na zajedničkim poslovnim poduhvatima

Posebnu važnost ovog skupa dali su B2B sastanci održani s predstavnicima italijanske inženjerske kompanije SWS Engineering SPA Italija, te bh. inženjerskim i građevinskim kompanijama.



MALA I SREDNJA PREDUZEĆA IMAJU PRILIKU POBOLJŠATI ODGOVOR NA POPLAVE

Radionica

“Prevenција i zaštita od poplava u malim i srednjim preduzećima u BiH“

Program za lokalnu samoupravu i ekonomski razvoj u BiH - EU ProLocal u saradnji sa Privrednom/ Gospodarskom komorom Federacije BiH je danas organizovao radionicu na temu “Prevenција i zaštita od poplava u malim i srednjim preduzećima u BiH“.

Ova radionica je dio aktivnosti koje se, u okviru EU ProLocal programa, sprovode u cilju održanja pozitivnog trenda ekonomskog oporavka u BiH od posljedica poplava iz 2014 godine. Naime, katastrofalne poplave koje su u maju 2014. godine pogodile cijeli region, izazvale su značajne štete u sektoru malih i srednjih preduzeća u BiH. Ukupna direktna i indirektna šteta koju je pretrpio privatni sektor u BiH procjenjuje se na preko 1.5 milijardi KM. Posljedice poplava iz 2014. godine pokazale da sistem odbrane od poplava zahtjeva unaprijeđenja kako bi se u budućnosti smanjio rizik za ukupan ekonomski razvoj zemlje.

U cilju poboljšanja spremnosti malih i srednjih preduzeća da adekvatno reaguju u slučaju novih poplava, EU ProLocal će u narednom periodu pomagati malim i srednjim preduzećima u izradi individualnih akcionih planova za prevenciju i zaštitu od poplava. Oko 150 bosansko-hercegovačkih preduzeća će pojedinačno, na osnovu analize stanja i uslova u svakom, definisati mjere prevencije te procedure koje se trebaju provesti tokom i nakon poplava.

U okviru navedene radionice prezentovana je metodologija izrade akcionih planova za prevenciju i zaštitu od poplava, kao i način prijave preduzeća zainteresovanih za ostvarivanje podrške u njihovoj pripremi.

EU ProLocal finansira Evropska unija sa 9 miliona eura i Vlada Njemačke sa 4 miliona eura, a sprovodi GIZ. U okviru EU ProLocala implementiraju se aktivnosti za jačanje konkurentnosti malih i srednjih preduzeća iz 4 najdinamičnija ekonomskih sektora u BiH.

Pripremila: Lejla Šepić



Tešanj: Firma MADI zvanično počinje izvoz piletine u EU



Nakon što je Kancelarija za veterinarstvo BiH pripremila Akcioni plan za rješavanje preporuka misije Direktorata za zdravlje i hranu, analize i revizije Evropske komisije, koja je provedena u periodu od 28. maja do 1. juna 2018., Ministarstvo vanjske trgovine i ekonomskih odnosa BiH zvanično je obaviješteno da je prihvaćen akcioni plan izvoza mesa peradi na tržište Evropske unije.

Po odobravanju Akcionog plana, Evropska komisija će završiti procedure izmjene Uredbe komisije EZ br. 798/2008, kako bi Bosna i Hercegovina bila uvrštena na listu zemalja iz kojih je dozvoljen izvoz mesa peradi u EU ali i Odluke

2007/777, kako bi naša zemlja bila uvrštena na listu zemalja iz kojih je dozvoljen izvoz proizvoda od mesa peradi u EU. "Najvažniji dio posla je uspješno završen. Očekujem da će se i ove preostale, administrativne procedure što prije finalizirati, i da će ova izuzetno potentna grana poljoprivrede, koja veže 20.000 radnih mjesta, vrlo brzo doživjeti svoju ekspanziju.", ističe ministar spoljne trgovine i ekonomskih odnosa Mirko Šarović.

Kancelarija za veterinarstvo će, nakon provedenih procedura, dostaviti Evropskoj komisiji listu objekata kojima je odobren izvoz peradi i proizvoda od mesa peradi u EU, kako bi ovi objekti mogli započeti sa izvozom u Evropsku uniju. Najveća klaonica peradi na Balkanu je tešanjaska firma MADI.

Naime kapacitet klaonice je 6.000 brojlera po satu, tako da teoretski ova klaonica može da proizvede 24 miliona brojlera na godišnjem nivou što je ujedno čini i klaonicom najvećeg kapaciteta na Balkanu. Osim kapaciteta radi se i o najmodernijoj opremi toga tipa gdje su sterilni procesi proizvodnje dovedeni do savršenstva i kao takva nudi mnogo bolji kvalitet i napredniju završnu obradu.

Izvor: www.zosradio.ba

Otvorena nova poslovna zgrada kompanije TISA KOMERC



Dvorište novog poslovnog objekta krasi džinovska matica. Izrađena je od nehrđajućeg čelika, visoka 3,5 metara i teška tri tone, a vlasnici su podnijeli zahtjev za njeno upisivanje u Ginisovu knjigu rekorda.

U petak svečano je otvorena nova poslovna zgrada kompanije "Tisa Komerc" Žepče, koja se nalazi u mjestu Golubinja pored magistralnog puta M17. Prigodnoj svečanosti prisustvovali su kandidat za bošnjačkog člana Predsjedništva BiH Šefik Džaferović, premijer ZDK Miralem Galijašević, ministri u Vladi ZDK Himzo Smajić i Nurđehan Šahinović, načelnik općine Žepče Mato Zovko te brojne zvanice i poslovni partneri.

"Želim da se ovakvi događaji dešavaju svaki dan u BiH. U tome je budućnost naše zemlje. Nama treba politička stabilnost, treba nam ubrzan evropski i NATO put i treba nam snažna ekonomija. Mala i srednja preduzeća su budućnost ekonomskog razvoja BiH. Želimo da ljudi u ovoj zemlji mogu normalno živjeti od svoga rada i da imaju normalan standard, a resursa imamo, Bog ih nam je dao dovoljno", kazao je Džaferović.

Premijer Galijašević uputio je čestitke porodicama Mujkić i Mrahorović koje su uspješno realizovale vrijednu investiciju u poslovnu zgradu i proizvodne pogone u kojima radi 50 uposlenih.

"Ovi poslovni uspjesi su signal da i Vlada ZDK uspijeva u nastojanju da stvori što povoljniji privredni ambijent. Posebno mi je drago da je ova firma izvozno orijentisana što je vrlo bitno, jer zahvaljujući izvoznim kompanijama ZDK drži lidersku poziciju pu izvozu", kazao je premijer ZDK.

Dvorište novog poslovnog objekta krasi džinovska matica. Izrađena je od nehrđajućeg čelika, visoka 3,5 metara i teška tri tone, a vlasnici su podnijeli zahtjev za njeno upisivanje u Ginisovu knjigu rekorda.

Izvor: www.business-magazine.com

TMD Automotive otvorio još jednu fabriku u Gradačcu U proizvodnji autodijelova zaposleno 70 ljudi



Proizvođač autodijelova TMD Automotive iz Gradačca je u četvrtak (6. septembra 2018. godine) otvorio još jednu fabriku u ovoj općini. Za početak je posao dobio 71 radnik, a taj broj za nekoliko godina će biti najmanje četiri puta veći.

U pogonu u koji je uloženo više od 5 mil EUR proizvođač se dijelovi za automobilsku industriju i sve ide u izvoz. Među kupcima su i neki od najznačajnijih proizvođača u svjetskoj automobilskoj industriji.

Predsjednik Uprave preduzeća TMD Automotive kao i ostalih privrednih društava u sastavu TMD grupacije, Adem Hanić je istakao da je cilj ove grupacije dostizanje izvoza od 200 mil EUR do 2021. godine.

Motiv ove firme, u osnovi, su radnici, odnosno ljudi kojima se moraju obezbijediti uslovi da mogu pristojno živjeti od svog rada, o čemu se osim poslodavaca treba da pobrine i kompletno društvo u smislu obezbjeđenja pravne i političke sigurnosti za život i rad -naglasio je.

Općinski načelnik Edis Dervišagić je istakao da je Općina Gradačac u proteklom periodu uložila značajna sredstva u Industrijske zone na području općine Gradačac što je doprinijelo poboljšanju infrastrukture, otvaranju novih fabrika, a samim tim i povećanje industrijske proizvodnje.

Također zahvaljujući BFC certifikatu kojeg Općina Gradačac posjeduje doprinijelo je da se olakšaju pojedine procedure i unaprijedi rad općinske administracije kada je u pitanju privreda - istakao je načelnik Dervišagić.

TMD Group Gradačac trenutno zapošljava 671 radnika u 4 fabrike: Kovgrad i TMD Automotive u Gradačcu, UTL u Sarajevu i TMD Mibo u Brčkom. Specijalizovan je za proizvodnju vanjskih i unutrašnjih prstenova za automobilske ležajeve. Radi za najveće svjetske kompanije kada je u pitanju proizvodnja komponenti za automobilsku industriju. Među njima su Benteler, Schaeffler, SKF i NTN/ SNR.

TMD Group je inače jedan od najvećih izvoznika u Tuzlanskom kantonu, saopćeno je na sajtu Općine Gradačac.

Izvor: *ekapija.com*

bh proizvod

ZIBI



**DJEČIJA
ŠTEDNJA**



ZiraatBank

Više od banke